

Donostia, 2018ko ekainaren 15a

IDAZKARI NAGUSIARI

HERRITARREK 2019KO AURREKONTUAK EGITEKO PROZESUAN PARTE HARTZEARI BURUZKO KONTROL MOZIOA

Irabazi Donostia taldearen bozeramaile Amaia Martin Garinek, Udalbatzaren Araudi Organikoaren 98. artikulua oinarri, Ogasun Batzordean aurkezturiko interpelazioaren ondorio den KONTROL MOZIO hau aurkezten du, herritarrek 2019ko aurrekontuak egiteko prozesuan parte hartzeari buruzkoa.

AZALPENA

2019ko aurrekontuetatik 3,2 milioi euro zertarako erabili herritarren parte hartze prozesu baten bidez erabakitzeke prozedura bat adostu du udal gobernuak. Harekin bat etorritik, aurrekontuari ekarpenak egiteko epea ekainaren 17ra arte luzatuko da. Egun horretatik aurrera, ekarpenak teknikoki aztertzeari ekingo zaio, eta urriaren 1etik 7ra bitartean, donostiarrek bideragarriak diren eta 300.000 eurotik gorakoak ez diren ekarpenak bozkatu ahal izango dituzte, babes gehien lortzen dutenak aurrekontuetan sartzeko.

Ogasun Batzordean, 2019ko aurrekontuak egiteko prozesu horri buruzko zenbait galdera egin genizkion Autoetako, Deszentralizazioko, Erantzukidetasun Zibikoko, Berdintasuneko eta Lankidetzako zinegotzi ordezkari Duñike Agirrezabalaga andreari.

Galderetako batek Herritarren Partaidetzari buruzko Arau Organikoaren 24. artikuluko 2. puntuari egiten zion erreferentzia; izan ere, puntu horrek haxe ezartzen du: *“Aurrekontu Parte-hartzailea sendotzea bermatzeko, eskumena duen udal organoak eredu orokor bat eta oinarrizko metodologia-arau batzuk zehaztu eta onetsiko ditu, Aurrekontuetan jaso beharreko helburu estrategiko handiak eta legegintzaldi bakoitzeko proiektuak hautatzeko prozesua ezartzeko xedez; era berean, urte bakoitzerako programa jakinetan jarduerak izango duten lehentasunak ere ezarriko ditu”*. Alegia, eredu orokor baten arabera ezarri behar direla arauak, definitu behar direla helburu eta proiektuak,

eta erabaki behar direla lehentasunak. Horrek zerikusi gutxi edo batere ez du udal gobernuak 2019ko aurrekontuetarako onartu duen prozedurarekin.

Herritarren Partaidetzari buruzko Arau Organikoaren 24. artikuluko 2. puntu hori betetzeari buruz, Arrizabalaga andreak esan zuen, arau horiek Tokiko Gobernu Batzarrak onartzekoak diren arren, ez dagoela haiek onartzeko modurik, baina arrazoa esplikatut gabe, hala ere. Ez dirudi, ordea, Udal Batzarrak 2019ko aurrekontuetarako prozedura onartzeko inolako arazorik izan duenik.

Uste dugu udal aurrekontuak garrantzi handikoak direla hiriaren martxarako: herritar guztiei eragiten diete, eta haien baitan dago zer egin eta zer ez erabakitzea. Beraz, udal gobernuak, esfortzu bat egin, eta, herritarrek udal aurrekontuak egiteko prozesuan parte hartu ahal izan dezaten, Herritarren Partaidetzari buruzko Arau Organikoaren 24. artikuluko 2. puntuan aipatzen diren arauak garatzeari ekin behar lioke, legealdi bakoitzean gobernuan dagoen alderdiaren mende egon ez dadin Udal Araudia eta Euskadiko Tokiko Erakundeei buruzko apirilaren 7ko 2/2016 Legea nola betearazi erabakitzea.

Beste galdera bat ere egin genuen Ogasun Batzordean, kontseilu sektorialek aurrekontuak egiteko prozesuan duten parte hartzeri buruzkoa. Zinegotziaren arabera, kontseilu sektorialek ba omen dute aurrekontuei buruzko informazioa, baina ez zuen argitu udal gobernuak zer egingo duen kontseiluek 2019ko aurrekontuetan parte har dezaten. Orain arte, aurrekontuak onartu ondoren eman zaie kontseiluei haien berri, baina, haiek egiten hasi aurretik, kontseilu bakoitzak ez du inolako ekarpenik egiterik izan.

Azkenik, 2017ko urriko osoko bilkuran herritarren parte hartze dinamikei buruz onarturikoa betetzeari dagokionez, eta hori legealdiko aurrekontuetan zertzeko moduarekin loturik, Agirrezabalaga andreak azaldu zuen udal sail guztiek herritarren parte hartzeari eskaintzen dizkioten kontu sailak kontrastatzeari ekingo ziola, baina ez zuen eperik zehaztu.

Hori guztia dela eta, hauxe da aurkezten dugun

KONTROL MOZIOA

1. Donostiako Udaleko Udaltzakerak udal gobernuari eskatzen dio legegaldia bukatu aurretik gara dezala Herritarren Partaidetzari buruzko Arau Organikoaren 24. artikuluko 2. puntua, defini eta onar ditzala eredu orokor bat eta oinarritzko arau metodologiko batzuk, legegaldi bakoitzeko helburu eta proiektu estrategikoak hautatzeko prozesua ezartzeko eta haiek aurrekontuetan aintzat hartzeko, eta erabaki dezala arloka urte bakoitzerako zer jardunbide lehenetsi.
2. Donostiako Udaleko Udaltzakerak udal gobernuari eskatzen dio berma diezaiela udal kontseilu sektorialek 2019ko aurrekontuei ekarpenak egin ahal izatea.
3. Donostiako Udaleko Udaltzakerak udal gobernuari eskatzen dio aurkez dezala, urtea bukatu baino lehen, herritarren parte hartze dinamikei buruzko txosten bat, eta hartan, azaldu dezala nola zertu diren dinamika horiek udal gobernuak legegaldian zehar onartu dituen aurrekontu guztietan.

Sin. Amaia Martin Garin,
Irabazi Donostia udal taldearen bozeramailea.